

咽喉辨證



白喉痺證

重刊白喉辨證序

世稱白喉爲疫證宜用涼劑又謂白喉色白屬寒證有專方用麻黃五積散主之余聞此言久矣卽見人之治此證亦屢矣雖閒有效驗然總不敢信爲百不失一今夏陳臬川中適老友王祉庭學博自湘來篋中攜有白喉辨證一書條分縷晰不拘寒熱總宜辨證治之無不立效眞至寶也並云是書流傳外省活人甚多余時適奉督漕之

命攜來袁江與桂香亭觀察談及亦甚以是書亟宜

刊布爰付剞劂以廣其傳蓋同一濟世利人之苦心
也書成略綴數語以識之光緒六年庚辰冬月湘潭
黎培敬序於漕河節署

序

世稱張仲景爲醫之聖。乃著傷寒而不著喉科。非今有喉疾。而古無喉疾。以治喉與治傷寒一也。自世有專業喉科。而於內經缺焉。不講傳授方書。奉爲珍秘。迨遇白喉症。茫然莫解。妄名之曰疫。下手必用大黃。視者訖參附爲砒霜。其幸而中者。自鳴得意。不幸而患者。遂遭其毒。尤可怪者。一家傳染。死者過半。而父兄仍守其說。竟至絕宗。而無怨歸咎於天疫之流行。可痛哉。可恨哉。黃再生學博。詩古書法。各臻其妙。尤

深究岐黃之術。每遇此症。輒奇中。余叩其術。曰。知仲景書。卽知治白喉耳。因以手撰辨症一書。見示其論。寒熱虛實。無不確當。而又分出輕重二症。使用藥者。無過不及之弊。約而精。亦詳而晰。使人人熟察深思。當不見殺於庸醫之手也。因促付剞劂。以廣爲流傳焉。

世愚弟王鶴序於京邸之補拙齋

凡例

一是書耑爲不知醫者設法故語多俚鄙並欲便刷印故引證亦簡

一方書長篇累幅每令不知醫者目眩故縷析條陳俾閱者開卷了然易於記憶

一是書宜分看合看庶臨症時不顧此失彼

一白喉用單紙刊方傳者雖屬善舉究誤大事何也其人或曾患熱症服涼劑而愈則所傳者必涼劑也倘寒症信之鮮能救矣其人或曾患寒

症服溫劑而愈則所傳者必溫劑也倘熱症信之鮮能救矣

一用方宜斟酌用藥尤宜斟酌如人參貧不能得惟新色紋黨最佳台黨無真明黨尤不堪用而以玉竹洋參代人參者尤可笑何也紋黨已無實效玉竹何力之有哉附子必須本製市中所用熟附片甚無急效必重用方可大黃只宜酒炒使之上行若過爲熟製謂免大烈不如不用

白喉辨症

南陵黃維翰冉生氏著

白喉症。書所未載。而時醫目爲疫症。謬矣。凡治病必先尋經絡。次察寒熱。次審虛實。虛實既定。雖雜病百出。可一以貫之。如白喉一症。亦寒暑之不時。血氣之不調。所至非人身之外。別有一病也。焉有不審寒熱虛實。而概指爲疫乎。經云。赤屬熱。白屬寒。果如所言。則白喉只有寒而無熱。其曰熱者。亦從症而別之耳。若概指爲疫。則只有熱而無寒矣。於理安在此。其弊

皆由不辨脉。不辨症。徒聽時醫之說。以人之性命。委諸無形之斧。及予甚恨之。詩酒之暇。因將白喉一症。條分縷析。一寒一熱。頗費推敲。而寒熱之中。又分輕重。庶用藥無毫釐千里之謬。書既成。或有疑之者曰。旣非疫。焉有傳染。曰。氣之相感。理之常然。如傷風瘡毒之類。防身者。每不與其寢食。若以傳染爲疫。則傷風瘡毒。不亦可云疫乎。曰。有傳染。不傳染。何也。曰。物必先朽也。而後蟲生之。其傳染者。必其人內有寒熱。而未發現也。故有同一室而傳與不傳。各異傳者之

寒與熱亦各異曰其色白何也曰白屬肺凡風寒熱之中人未有不由肺入而傷肺者喉爲氣之門戶故宜宣發而時醫忌表藥非也曰寒熱之爲病多矣而獨發於喉何也曰十二經惟足太陽主表別下項餘皆內循於喉盡得而病之也蓋陽明爲水谷之海而胃氣直透咽喉故喉疾惟陽明之火爲最盛少陽厥陰爲木火之臟亦多熱症少陰之脉絡於舌本凡陰火衝逆多生喉疾但其中有虛有實不得概從火斷而少陰尤不可概從火斷如酒色過度眞陰虧損火

無所歸。非壯水不可。否則非溫補命門不可。此褚氏遺書所以有上病療下之說也。曰何死之速也。曰生與死亦只從脉而別之。白喉非死證也。若熱症投以熱藥。寒症投以寒藥。或表症而過於攻下。或虛症而過於表散。如人之無辜受戮。雖欲不死焉得而不死。且每聞白喉之死者。無死於附桂。皆死於大黃。大抵人知有熱症而不知有寒症。卽知有寒症而不知有虛寒之症。皆誤於疫之一字也。然則予之辨之也。其容已乎。但見淺學寡不無疎漏。高明之士。倘能匡予。

以不逮則幸甚。

辨症法

一白點在外關者。

小舌旁邊。

多屬熱在內關者。

小舌內。

多屬

寒。

一熱症必腫。

寒症不腫。喉內反大而空。

亦有虛腫者。

一熱症必痛。痛無止息。

畧痛者輕。痛甚者重。

寒症不甚痛。或時

痛時止。

一熱症吃水不甚痛。吃飯則痛。寒症吃水痛。吃飯不

甚痛。

以虛能受物也。

善於體認。

王鶴識。

一熱症必渴喜吃水。喜溫者輕喜冷者重。少吃者輕多吃者重。寒症不渴。

雖渴不多吃水。喜溫者輕喜極熱者重。

一熱症不思食亦不能食。一由腫痛。一由不知味。寒症能食而

不甚思食。絕一由脾虛一由過服寒劑。

一熱症有風涎。風涎少者輕風涎多者重均宜表散。寒症則斷無風涎。

若係風寒亦有風涎宜表散。

一熱症白點必乾澀或一邊一點或一邊數點大小

不一寒症白點必明潤或成點或成塊甚者滿喉

俱白狀如凝膏。

一熱症。滿喉皆紅色。或紅絲。紅絲者輕寒症。滿喉皆白色。

或淡紅色。淡紅色者輕

一熱症。舌胎或黃或黑。宜察其潤燥。燥者是實熱。宜下之。潤者是假熱。宜溫補。否則不可救藥。寒症。舌胎必白。或間有黑黃色。亦宜察其潤燥。潤者寒重。燥者寒輕。表散之而已。鼻孔口唇俱宜察其潤燥。但有火燥肺而鼻燥者。有肺氣絕而鼻燥者。有脾火伏而唇燥者。有胃氣不升而唇燥者。有脾氣絕而唇燥者。有傷食而唇燥者。俱宜詳察。目則察其畏風與否。畏火與否而已。

一熱症。小便必赤。赤而熱者是實熱。赤而不熱。且長

而多者是假熱。宜補而兼瀉。若清長則的是寒症矣。

一熱症忌滿喉白。滿喉腫。滿喉者必閉死。寒症忌腫。並不忌滿喉盡白。只忌失音動痰。若失音動痰。

不能救矣。

失音動痰。一由腎絕水泛為痰。一由過服涼劑使肺胃之氣閉塞不通。切不可

用表散。及桑白皮之屬。宜大溫補。如溫胃湯等劑。

又方

用活魚一隻。將魚嘴扳開。入病者口中。使涎流入喉內。無涎再用數隻。卽時開音。屢試屢驗。

一治喉必分氣血。上午痛者屬氣分。下午痛者屬血分。凡症類然。不獨白喉也。

一氣分實熱。或風熱風寒等症。俱痛無止息。虛寒症。

上午痛。必至下午方減。

治者或姜桂六君子湯。補中益氣湯之屬。

血分

不拘寒熱。下午痛。必至交子方減。

治者如熱症。用元參湯。知柏四

物湯之屬。虛寒症。用真武湯。四逆湯。附桂理陰煎之屬。

一熱症。必先升散。服升陽散火湯。再察其熱之輕重。

投藥。輕者。服連翹飲。重者。服清咽利膈湯。

一寒症。如風寒。宜解表。服散毒散。及參蘇飲之類。虛

寒。不必解表。先察其寒之輕重。投藥。輕者。服五積

散。重者。服附桂理中湯。及溫胃湯之類。

風寒必有表熱。虛寒